

STYRETS FORSLAG TIL VEDTAK:

SAK 7. "Straffansvar for feil rapportering av fangst"

Styret inviterer årsmøtet til å fatte slikt vedtak:

Årsmøtet tar presentasjonen av den juridisk masteroppgåva til Helene Jameson Skrede (master i rettsvitenskap) til orientering.

Årsmøtet er einig med Skrede sin anbefaling, om å heve skyldkravet for brot på rapporteringsplikta til grov aktløyse. Det vil høva betre med formålet med straff, og vil råka tilfelle som er økonomisk motivert. Dvs. om fartøya freistar å skjula dei reelle tilhøva, og å unngå å rapportera fangst.

Eit slikt straffeansvar vil i større grad ivareta rettstryggleiken til næringsaktørane, då det vil bli tatt meir omsyn til praktiske utformingar knytt til estimering og rapportering av fangst. Dette vil styrka legitimiteten med lovreglane. På sikt vil det òg syta at lova sitt formål blir nådd.

Årsmøtet er òg einig med Skrede om at skyldkravet i havressurslova bør harmoniserast med skyldkravet i akvakulturlova, der skyldkravet er grov aktlause.

Årsmøtet vil òg peika på at forarbeida til ny straffelov tilrår at kravet er grov aktlause.

Årsmøtet meiner at det er naudsynt med ein fullstendig gjennomgang av inndraging- og straffereglar for brot på havressurslova, og forskrifter heimla i lova. Dette for å sikra at fiskarar får same rettstryggleik som andre næringsdrivande.

Vedtaket ble enstemmig vedtatt.